

# **Badische Landesbibliothek Karlsruhe**

**Digitale Sammlung der Badischen Landesbibliothek Karlsruhe**

**Meditationum evangelicarum pars tertia, hoc est:  
Tractatio evangeliorum tam dominicalium, quam  
festivalium, ad recte se sub variis tentationum generibus  
gerendum, disposita**

**Creide, Hartmann**

**Francofurti ad Moenum, 1682**

De tertio

[urn:nbn:de:bsz:31-126133](https://nbn-resolving.org/urn:nbn:de:bsz:31-126133)

ſiſſimum Regni ſui theſaurum, qui eſt remiſſio peccatorum: & portam cœleſtem portis inferorum opponit, atque in poteſtate Eccleſiæ conſtituit, theſauros gratiæ, remiſſionem peccatorum piis & pœnitentibus distribuendi, ſed malis & impœnitentibus retinendi, portam cœli occludendi, & ad portam inferorum relegandi.

Quemadmodum igitur omnibus ſecuris & impœnitentibus horrificum eſt, quod peccata ipsis retenta ſint, à cujus vinculis in æternum non exſolventur: Ita ex adverſo piis & pœnitentibus ſolacium adfert, quod quamvis portæ inferorum ipſos oppugnent, & Diabolus eos in peccata ſeduxerit, quâ de cauſa porta cœli illis jure occluſa fuit, illi tamen in jure hoc Eccleſiæ & poteſtate clavium partem habeant. Videant modò, ut peccata agnoscant, gratiam Dei implorent, & vitæ emendationem promittant: ſic porta cœli illis recludetur, & quod hîc in terris ſolutum eſt, & in cœlo ſolutum erit.

### De Tertio.

**R**estat *Cautela*, quæ tribus abſolvitur Regulis, ut ſunt

I. *Examina ne contemne.* Pientiffimus Servator noſter Jeſus, non modò diſcipulos ſuos, in doctrina cœleſti ſedulò informavit, ſed hîc etiam examen inſtituit, quærens quid hæcenus profecerint. Quâ in re laudabili exemplo omnibus illis præit, qui Eccleſiæ & Scholæ præpoſiti ſunt, & in illis docent, ut auditores & diſcipulos ſuos, non modò probè informant, ſed & in examen adducant, quos progreſſus in

Catechiſmo & Chriſtiana doctrinâ fecerint, quomodo illam calleant, & quomodo reſpondere poſſint: quo reſpectu quoque publica examina in ſcholis inſtituta ſunt, quæ & in Eccleſia, & confeſſione, & in privatis ædibus utiliter inſtituerentur, quò juniores & ſeniores hæc occaſione incitarentur, in doctrinâ Chriſti, ejuſque agnitione proficiendi.

Verùm hîc utrinque peccatur, cùm ex parte illorum, quibus examen incumbit, qui ſocordes & negligentes ſe exhibent, alia negotia utiliora prætendentes, quaſi pluribus occupationibus diſtricti eſſent, quàm indefeſſus ille Propheta, & Doctor erudita linguæ Chriſtus Jeſus: tùm ex parte examinandorum, qui examina, ut rem levem & non neceſſariam ſubterfugiunt, & rationem fidei reddere erubefcunt.

Verùm ſi Apoſtolos non puduit examini ſe ſubjicere: quid tu miſer homuncio erubefceres? Magis negligentia & inſcitia tua ruborem tibi incutiat: quod ſi enim rationem reddere poſſes, nullatenus examen declinares.

II. *Interroganti promptè reſponde.* Chriſto hîc ex diſcipulis quærenti, reſpondent illi, quid & aliorum & ſuum ipſius de Chriſto ſit judicium: Ita & tu paratus ſemper ſis, ad ſatiſfactionem omni poſcenti te rationem de eâ, quæ in te eſt, ſpe & fide, 1. Petr. 3. v. 15. Et quò accuratè reſpondere poſſis, vide, ut bonum fundamentum ponas in agnitione Dei & Filii ejus Jeſu Chriſti. Petrus & reliqui Apoſtoli malè ad quæſtionem propoſitam reſpondiſſent, niſi è concionibus Chriſti, ex illuminatione Spiritus ſancti id didiciſſent,  
nec

nec dubium est, quin æque absonas opiniones de Christo protulissent, ac alii homines, doctrinæ Christi rudes. Sic & tu nunquam dextrè respondebis, nisi antè sufficienter in articulis fidei instructus fueris.

Ne proinde pigeat te, conciones sacras sedulò invisere, devotè auscultare, & domi quoque sacram Scripturam evolvere, & in illa scrutari. Veniet aliquando, crede mihi, tempus, ubi in examen vocaberis, quod fiet aut in mortis agone, vel certè in extremo iudicio. Disce igitur in tempore nètum turpiter stes fortè.

III. *Bona fama stude.* Christus interrogat discipulos suos: Quem me dicunt, homines esse, Filium hominis? Quo ipso nos instruit, ne rumore vulgi & publicam famam planè contemnamus, sed perscrutemur, quæ de nobis sit hominum opinio. Bona enim conscientia nobis est opus, propter nos ipsos, bona fama propter proximum, ut Veteres dixerunt. Qui hominum famam susque deque habent, eos gentiles quoque pro homine futili nul-

liusque pretii habuere. Melius est nomen bonum, quàm unguenta preciosa, Eccles. 7. v. 3. Hinc Siracides c. 42. v. 15. 16.

Si verò famæ integritate gaudere vis, vide ut genuinus Christianus, & filius Dei vivi sis: Vive proindè ut Christianum decet, insiste vestigiis Christi, quæ in vita & passione, in doctrina & opere tibi reliquit, exhibe te talem, qualem pium & obsequentem filium Dei decet: hoc modò non tantùm in hoc mundo coràm hominibus bonam famam consequeris: sed & nomen tuum post mortem perennabit. Die enim novissimo iudex vivorum & mortuorum, in confesso SS. Trinitatis, coràm Angelis, Archangelis, omnibusque electis, imò Diabolis quoque & damnatis, sed in horum confusionem & ignominiam, nomen tuum amplissimis laudibus ornabit, teque in gaudium Domini tui introducet, ubi nominis tui memoria nunquam obliterabitur, siquidem in libro vitæ scriptum permanebit in æternum.

Fiat id per Christum, Dominum & Servatorem nostrum, Amen.

## IN DIE FESTO VISITATIONIS MARIE.

*Evangelium Luc. 1. v. 39. -- 56.*

EXORDIUM.

**S**piritualis illa Ecclesiæ Sponsa, de Sponso suo ait: Ecce, Dilectus meus venit saliens in montibus, transsiliens colles, Cant. 2. v. 8.

In quibus verbis Ecclesia Christum compellat, est enim amicus sive Dilectus

eius, aut *naturaliter*, quia humanam naturam, carnem & sanguinem ille adsumsit, quo respectu nos omnes Christi consanguinei, ipse autem cognatus noster factus est, unde etiam Gocli noster aliquoties in Scriptura appellatur, Genes. 48. vers. 16.

9999

Esa.